



Nëse kemi papastërti në të mbathurat e brendshme, a përsëritet namazi?

الحمد لله و صلى الله و سلم على نبينا محمد. أما بعد

Nëse njolla është e njomë, saqë kur e prek ajo le gjurmë, kjo konsiderohet papastërti.

Ndërsa nëse është e thatë dhe kur e lan, ajo e lëshon pisllekun e saj, me aq sa di unë, ka mospajtim (nëse nuk po gaboj, ngase nuk e kam të studiuar mirë). Deri në këtë çast anoj te ajo që konsiderohet papastërti.

A përsëritet namazi?

Më e përafërta është se nuk përsëritet nëse e ke parë pasi je falur.

Duke u bazuar në hadithin e saktë i cili tregon se Profeti është falur duke patur papastërti në sandalen e tij. Gjatë namazit i erdhi Xhibrili alejhis-selam dhe i tregoi se ai kishte papastërti.

Profeti sal-lall-llahu alejhi ue sel-lem i hoqi sandalet duke qenë në namaz, dhe e vazhdoi namazin.

Kjo do të thotë se nëse nuk e di, namazi është i saktë.

Nëse gjatë namazit kujtohesh, është detyrë të hiqet papastërtia, nëse është e mundshme heqja.

E nëse është prej atyre që nuk hiqet, si për shembull: mbathjet, atëherë në këtë rast është detyrë të dalësh nga namazi, të pastrosh mbathjet, dhe të përsëritësh namazin.

Ndërsa abdesi, nuk priset.

All-llahu e di më së miri

Ai është më i Dijshmi

و الحمد لله رب العالمين

و صلى الله على نبينا محمد وعلى آله و صحبه و سلم